

新編中國名人年譜集成

第十二輯

王雲五主編
溫 肅 著

清溫侍御毅夫年譜

臺灣商務印書館發行



17.5
126
120.1

王雲五主編
溫肅著

清溫侍御毅夫年譜

臺灣商務印書館發行

中華民國七十五年六月初版

清溫侍御毅夫年譜

一冊

基本定價六角正

著者 溫

肅

主編者 王

雲

五

發行人 朱

建

民

印刷所及

臺灣商務印書館

股份有限公司

臺北市重慶南路一段三十七號

登記證：局版臺業字第〇八三六號

校對人：于慧娟 陳巧

版權所有
翻印必究

新編中國名人年譜集成附詳考索引
 所謂新編中國名人年譜集成者、以年譜之
 十有百氏、同一工也。因抗戰而中止。若日氏
 因二十一年一二、五年伍相後、或後年、迄二十
 五年、一三、之、乃抗戰、利、在伍、矣、今
 決意、援、兵、一、部、分、以、保、此、與、東、方、同、志、之
 司、先、後、訪、明、本、版、亦、難、十、四、對、冊、其、中、核、方、在
 譜、一、方、二、三、十、年、連、同、中、國、史、地、書、而、收、佔、內
 外、考、古、新、著、如、平、秋、今、計、亦、六、二、百、餘、種、以、明
 報、加、補、充、。籍、志、在、譜、之、心、。食、料、亦、宋、。多、有、為、

所謂新編中國名人年譜集成也、以手書の
 十卷を以て同一王比、因抗戦而中止、若日成
 因二十一年一二、女佐相後、或は單、迄二十
 二年八一三之年、乃抗戦終局、利司女佐等、今
 決意を振る、一、部分、以、何は、與、東方、同、其、情、之
 司、先、後、訪、問、未、收、其、籍、十、の、對、母、其、中、檢、査、を
 編、一、万、二、三、十、年、迄、同、中、國、史、地、前、書、而、收、信、内
 外、各、書、新、書、如、平、秋、ノ、合、計、五、六、二、百、餘、種、以、以、所
 載、が、種、々、・新、意、を、諸、之、に、・食、料、お、茶、・多、角、為

至唐而代以宋。子孫傳。外由後人就史。或
 諸生選其精者。而宋以後。其諸生也。
 其。然。今治一。二。元。尚。書。禮。生。完。此。家。以。後。
 自。語。之。此。也。其。力。年。の。十。自。有。所。以。之。如。像。
 今。其。旋。竟。如。及。妙。哉。、。續。求。中。以。圓。藕。以。蓮。而。
 其。母。、。智。亦。有。生。其。後。不。精。之。七。其。同。臨。在。回。藉、
 以。其。近。新。指。古。語、。事。及。福。也、。以。其。教。使。到。儒。也。
 其。事。切。之。知。道。也、。然。有。等。後、。其。下。略。日。設。一。回。
 其。位、。命。為。其。時。同。治。人。而。其。回。也。位、。公。以。其。所。居。里。
 說、。計。其。收。才。其。用。也。別。其。數。行、。其。有。其。諸。所。內。

新編中國名人年譜集成附詳盡索引序

所謂新編中國名人年譜集成者，以余曾於四十年前從事同一工作。因抗戰而中止。蓋自民國二十一年一二八本館劫後半載復業，迄二十六年八一三之全面抗戰期間，利用本館董事會決議年撥盈餘一部分，以供復興東方圖書館之用，先後訪購木版古籍十四萬冊，其中括有年譜一百二三十種，連同中國史地叢書所收館內外專家新著如千種，合計不下二百餘種，得暇輒加研究。藉悉年譜之作，實始於宋，多數爲譜主自訂，或口授子弟門人筆述；不則亦於譜主沒世未久，其門人故舊，就見聞或遺稿代爲編纂，幾等於譜主親撰。其中所述言行史實大都詳確，古代著作原以藏諸名山傳諸其人；故鮮有顧忌，此與歷代正史率由新朝爲勝朝所撰，遇有不利於新朝之記載，無不刪汰，甚或曲筆爲之。幸而我國修史者多爲具有正義感之學者，不肯歪曲過甚，寧刪汰忌諱；然因是不免失真已多，持與私人年譜相較，往往不無差異。此爲宋以後之年譜可貴者也。

至唐五代以前之年譜，則由後人就史書或譜主遺著搜集考據而成，不如宋以後各譜之迫真；然合冶一爐，亦足備參證，然究非宋以後年譜之比也。是爲余四十年前所得之印像。

今者旅臺將及卅載，續收中外圖籍約達五萬冊。鑑於前在大陸所藏之七萬冊珍貴圖籍，以共匪竊據大陸，未及移出，以致散佚或陷於不可知之命運者，懲前毖後，特斥資自設一圖書館，命名爲財團法人雲五圖書館，公諸社會閱覽，計所收中文圖書別集類往往括有年譜在內或有已單行者，連同新收近人著作及史地叢書舊刊，合計已達二百種以上。緬懷四十年前未竟之功，假我二三年，當一面續訪遺佚或新著，當不難達三百種左右；一面選擇精要及具有各方代表性者，假定仍留二百種；一面逐譜編製索引，則最後全部之總索引，殆在一二百萬之數，不僅集年譜索引之大成，亦可持以糾正史書之闕失訛誤。惟是編製索引，須將孤本之年譜先行景印，每譜至少須得若干冊，始便從事。因即決定自本年四月起每月景印十種，分輯發行，其版式不同者皆統一爲卅二開本。查古籍多爲二十四開或三十二開。卅二開本者，其原式大小不變，廿四開者略予縮小，字體亦朗然可觀。至原史地叢書係卅二開本，除字體過小予以重排，餘則照原式景印。人人文庫本爲四十開，字體略小，研究年譜者多爲中年以上之士，因一律放大爲卅二開，則字體隨版式而加大；且集成全書可大小一致，間有佳作爲同業出版而必須納入集成者，則當洽讓版權，想同業樂觀厥成，當不難達成協議也。是爲序。

中華民國六十七年三月十五日王雲五

序

年譜依編年順序記載一人生平之事蹟，宋以後名人往往有之，大抵爲譜主自訂，或爲門生故舊所撰，亦有後人於古代名人就其著述，考其事蹟，爲之編訂者。年譜所述言行事實，大都詳確，可補史書之厥失，此其可貴處。

商務印書館從事編輯歷代名人年譜，始於上海，主其事者爲本館王故董事長雲五先生。遷台後，及雲老復主持本館，以前在大陸所藏圖籍散佚，重新蒐集，歷年所得舊刊新著，已達二百餘種，定名新編中國名人年譜集成，自民國六十七年四月起分輯發行，每輯十冊，迄六十八年雲老逝世之時，已刊行六輯。七輯以後自本年起照原定計畫陸續刊行。今雲老雖已謝世，不克親睹全部計畫之完成，然各輯目錄早經其生前決定，爲誌其四十餘年來與年譜集成之編輯工作相始終，仍標明雲老主編。雲老逝世後，本館另行蒐集者。因不在原定目錄之內，刊行之時，則不標明主編。

臺灣商務印書館編審委員會

民國六十九年四月二日

都察院副都御史南書房翰林溫文節公神道碑文

番禺張學華撰文

己卯九月前都察院副都御史順德溫公疾終里第遺疏聞優詔褒卹賞治喪費予諡文節海內舊臣罔不嗟嘆而吾粵自梁文忠公鼎芬後奔走國事繼之公一人靡鬲之翊中興衰偃之從患難二十年間孤忠大節其人零落以盡尤可悲也公諱肅原名聯璋字毅夫號檠庵晚自號清臣世居順德龍山鄉代有聞人曾祖諱昌虞祖諱維城並潛德不仕父諱黻廷同治戊辰進士戶部主事里居授徒學者稱藻裳先生三代以公貴贈光祿大夫曾祖妣葉祖妣陳妣黎生妣余皆封一品夫人公十二歲能作文年十九補縣學生光緒壬寅順天鄉試舉人癸卯成進士改翰林院庶吉士散館授編修宣統庚戌轉掌湖北道監察御史值朝議倡言立憲風靡一時而大

權寢至旁落公痛陳新政流弊謂以紛更為振作以塗飾為文明以囂張為士氣是率天下而為偽也今亂機四伏宜亟籌消弭之法又嚴劾親貴重臣及部臣疆臣之不職者在臺一年章數十上凡關於國家存亡得失之故反覆言之冀當事者之一悟疏皆留中辛亥變起攝政王遜位公言攝政監國受景皇帝付託之重義不容引退不報遂自請解職梁文忠至京寓公家有所規畫以忠義相鏃礪尋出都公獨留俟時觀變壬子五月赴瀋陽以大義說趙爾巽勤王爾巽不能用是時恭親王溥偉由大連徙居青島遺臣咸集公與德化劉文節公廷琛湘鄉陳侍郎毅等密謀匡復奉新張忠武公方駐兗州往來通問又約前陝督文忠公升允起兵西北袁世凱偵知之使其黨王天縱陰伺掩捕御史玉春中書朱江同時被難公亦幾不免會忠武移鎮徐州公客幕中走金陵結馮國璋相與交懽赴邕謁陸榮廷赴粵謁龍濟光皆以忠義激動之袁死奉直蘇皖群帥聯盟推忠武為盟主丁巳五月復辟授公都察院副都御史未到官而中變公南歸以電責馮國璋意氣彌厲聞者壯之辛酉德宗

實錄告成賞頭品頂戴壬戌入都賀大婚賜紫禁城騎馬癸亥直南書房恩賚稠疊
逾於平時甲子隨扈天津疏請端主德以恢大業進貞觀政要講義閩縣陳文忠公
寶琛題詞有曰虎口餘生益倔强又曰講義數陳卽諫章皆紀實也新京肇建公已
患痺疾強起趨朝屢據忠讜上嘉納焉旋以病乞歸上念公不置迭賜帑金五十六
十生辰賞匾額公子必復入謝召對慰問惟上知公之深與公効忠之摯契合無間
而運窮事極江湖魏闕之思日縈繞于夢寐而有所難言若其抗心孤往始終一節
萬變莫能奪也嗚呼天鑒之矣公歸里後鬱鬱久居比歲被兵獨得安堵時比於通
德之鄉平日於鄉邦文獻多所纂述博聞強識詩文皆淵雅於公為緒餘也著有奏
議四卷文四卷詩二卷年譜一卷藏於家已刊者貞觀政要講義陳獨漉年譜所輯
有龍山鄉志龍山文錄龍山詩錄溫氏族譜晚輯感舊集未成配黎夫人前卒側室
鄧伍子六人必復必達必果必信必清出嗣子必穀女四人適黎適周餘未字必復
等葬公於龍山之龍頭岡與黎夫人合窆焉余與公先後為詞臣言官曩余分巡濟

東公遊泰山相見甚懽國變後余屏迹海濱公奔走四方里居日少丙辰元凶暴殞余以書促公勤王丁巳復辟不幸中蹶公未嘗自餒也壬申冬月余訪公於杜鵑庵夜分深語所期望於公者甚厚不虞公之僅得中壽也公子必復奔喪過澳涕泣請銘不敢辭銘曰

百六之運身世多屯疾風勁草迺識貞臣前席陳謨大廷獻議未竟人謀遽悲天墜烈烈葵霜膽瀝肝披知公赤心靡鬲相期唐禍諸藩漢厄十世忠義激發誓同匡濟中天復旦蔽以重陰梟獍披猖麟鳳湮沈邦舊命新東都肇建杜陵麻鞋曲江羽扇夢爭王室魂繞君門甯甘遺佚終訴煩冤萑血雖埋鄭心不死泐銘表忠敢告惇史

溫文節公集序

唐韓偓丁天福之季隨侍昭宗金鑾密記手持虎鬚冒犯危難艱苦備嘗而冬郎遺集流傳至今讀其詩未有不悲其遇者蓋其哀感頑艷之詞莫非忠愛之誠所發摠雖海枯石爛而所以不朽者自長在天壤是司馬子長所謂與日月爭光者也吾友順德溫檠盦侍御少負文名才長經世光宣之際憂危念亂所上封章動有關於國家大計有聲諫垣辛亥國變一夫竊鈇四海沸騰君痛哭出京誓圖恢復謂非假手於忠義之將帥不足以殛巨姦而挽危局其時奉新張忠武提江防營二千敗某軍萬餘於雨花臺扼守徐州威聲震天下馮河間已克武漢得侯封而停戰議和未竟厥功亦致憾于袁而為所疑令督河北置諸肘腋之下壬子正月忠武移師兗州恭邸與青島諸遺臣謀聯忠武君自天津往會主張溝通馮張以厚其勢衆議譴之乃將恭

邸命返得馮贊許而青島兗州間往來密使約於癸丑春聲罪討逆檄文布告秘而未發為姦人詭得馳報於袁袁偽為不知馮預謀者親以電話令馮防堵且名捕君幸走脫而袁亦以異軍日圖反側不得馮張宿將無以禦之倖使絡繹不絕於途事遂以寢癸丑六月南京再變北踞徐州袁令馮領第二軍由天津向浦口張領第三軍由江淮直取金陵張軍先攻克馮軍繼後論功則張多以位則馮尊袁始以蘇督畀張不數月而令馮代之轉張為長江巡閱使兩雄相角以漸成釁隙忠武於是再駐徐州威名日高心迹亦日著與馮之嫌隙亦日深君奔走游說竭智殫謀冀其棄怨修好共圖大事而終於迹合心離此丁巳一役所由致敗也迨出狩析津遵養時晦君麻鞋奔赴蹉跎効忠入南齋日侍講席有貞觀政要講義一編友人已為之印行未載入集壬申癸酉再度出關問安侍膳親若家人式微載賦知無可圖為遂奉身以退遄歸鄉里以己卯九月捐館舍上聞震悼有加特諡文節嗚呼君臣艱難相與之際可謂有始有終矣然志事無成飲恨罔極後死之悲抑有甚焉今則世變愈